



UNIVERSITÄTS-  
BIBLIOTHEK  
PADERBORN

## **Epitome Instituti Societatis Jesu**

**Sesti, Curtius**

**Bruxellis, 1690**

Sect. I. Superiorum localium Dotes, & Electio.

---

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)

verò sibi indicata Provinciales nequeunt,  
nisi Generali admonito, revocare. l

l C. 7. D. 36.

## CAPUT III.

## De Superioribus localibus.



Superiores locales habentes ordi-  
nariam auctoritatem in Societa-  
te, alii dicuntur Prepositi, &  
hi præsent Domibus Professis;  
alii Rectores, qui Collegia, aut Domo-  
s Probationum regunt. Communis tamen  
de illis tractatio instituetur, eo quod in  
plerisque convenient; & si quid peculiari  
alterutrius classis occurrerit, in loco me-  
morabitur.

*Duplex horum  
classis.*

## SECTIO I.

*Superiorum localium Dotes,  
& Electio.*

I. CURandum est, ut ille, cui Recto-  
ris officium imponitur, magni sit  
exempli, magnæ ædificationis, magnæ  
etiam mortificationis in omnibus pravis  
inclinationibus; & in Obedientia præci-  
puè, ac humilitate probatus: qui donum  
etiam

*Virtutes necessa-  
ria Superioribus  
localibus.*



etiam discretionis habeat; ad gubernandum idoneus, in rebus agendis versatus, in Spiritualibus exercitatus sit; qui severitatem, suo loco, & tempore, cum benignitate miscere noverit; qui sollicitus, qui patiens laborum, qui etiam in literis eruditus sit; & demum ejusmodi, cui confidere, cuique suam potestatem tutò communicare Præpositi Superiores possint.

*a* P. 4. c. 10. §. 41. & R. Præp. 2. & Rect. 1.

*b* R. Præp. 1. c. P. 8. c. 3. A. & C. 1. D. 42. & C. 3. D. 21.

*Comparanda cum prærequisitis in Generali.*  
*d* P. 9. c. 6. I.

*e* P. 9. c. 2. §. 10.

*Quanti referat eorum electio.*

Præpositus verò Domus Professæ omnino studio enitatur, ut talis sit, qualis optatur Rector; atque eò magis, quod illis præsit, quos Viros spirituales, & perfectionis studiosos esse oportet. *b* Idemque sit Professor quatuor Votorum.

2. Ex iis etiam, quæ de Generali dicuntur, quod attinet ad Dei dona, intelligi poterit, quod Localibus convenit. *d* Doctes autem optimi Generalis describuntur. Par. 9. C. 2. Quarum aliquæ si eligendo deessent; certè non desit eximia probitas, & amor erga Societatem, ac judicium bonum, quod etiam idonea doctrina committetur. *e*

3. Demum eorum electio maximi momenti est; cum ex his etiam, magna ex parte pendeat Gubernatio Societatis; qualesque hi fuerint, tales, & eorum Subditi futuri sint. Frustra enim Regulæ Ordini-



dinationesque, coarcervantur; si desint animata instrumenta, quæ spiritum subministrant; vividam illarum praxim exerceant; & in quorum industria, ac prudentia Præpositi Generales meritò conquiescant. *f*

4. Quocirca valde commendatur Provincialibus, ut quemadmodum in aliis Ministeriis, ita in hoc gubernandi, vel præcipuo, adhibeant studium in inquirendis cujusque talentis exercendisque. *g* Ad instruendos autem Superiores egregiè facit P. Claudii Instructio pro Superioribus ad augendum, conservandumque spiritum in Societate, & ejus Industrie, quæ insertæ sunt nostro Instituto.

5. Et quoniam Superiorum localium electio ad Generalem pertinet ( ut dictum est, ubi de auctoritate ejus Par. 6. Cap. I. Sect. 4. §. 1. ) expedit valde, ut illi plena notitia eorum, qui apti sunt ad gubernandum, constet: quod ut ritè præstetur, in manibus est Formula conficiendi Informationes, tertio quoque anno à Provinciali in Urbem mittendas. *b* Cum verò de Superioris alicujus mutatione agendum est, primum causam Generali exponat Provincialis, cur liberandus quisque videatur: deinde, re prius cum Consultori-  
bus

*f* P. 9. c. 6. §. 6.  
& P. 10. §. 8. &  
Or. c. 17. p. 1.  
§. 1. & Cl. c. 1.  
initio.

*A Provincialibus feligendi, formandi.*

*g* R. Prov. 29.  
& Visit. 24.  
26. 27. 40. & c.  
& Or. c. 17. p.  
1. §. 2. 3. & c. &  
In. 21. §. 4.

*Eligendi à Generali, à Provinciali proponendi.*

*b* Or. c. 17. &  
C. 7. D. 99.



i Or. c. 1. §. 13.

Proponendi  
methodus.

bus examinata, subjiciat quis cuique succedere possit; nec unum, sed plures: mittatque de singulis informationes; aut indicet, si jam missae fuerint.

6. Hujusmodi verò Informationum conficiendarum hæc summa est. 1. Provincialis ex suorum Consultorum, & si necesse fuerit, aliorum judicio, seligat, de quibus informatio accipienda videatur. 2. Has informationes accipiet non solum à Consultoribus, sed ab antiquioribus etiam, & præcipuis Patribus, qui proponendos omnium optimè noverint. 3. Capita informationum erunt, Patria, ætas, studia, gesti Magistratus, devotio, mortificatio, prudentia, fortitudo, discretio, observantia, scientia Instituti, non usus humanæ politicæ, non aversiones, aut affectus particulares, zelus animarum, subordinatio Superioribus, peritia rei familiaris administrandæ; an unquam ambierit; & si quid aliud ad rem facere videatur. 4. Hæ Informationes tertio quoque anno ad Generalem mittuntur, appposito singulis Capitibus Informatorum, & Consultorum judicio. Quod judicium præterea, num aptus vel non videatur, tum ipse Provincialis, tum Consultores separatis literis ad Generalem scribant, /

Or. c. 17. & c.  
18. par. 6. & C.  
7. D. 82 §. 6. &  
In. temp. tit. 1.  
§. 11.

7. Quia



7. Quia tamen posset aliquando contingere, ut necesse esset mutationem facere alicujus Superioris; vel si is moreretur; poterit Provincialis aliquem, qui vices Superioris gerat, interim constituere, donec Generalis admonitus provideat. *m*

*Subrogatio aliqua Provinciali concessa.*

*m R. Prov. 22. Quin Prapostito, & Rectori.*

8. Prapostito etiam, & Rectori, cum domo, aut vita excedit, licet alium nominare, qui Vicariam administrationem exerceat; si Provincialis citò moneri non possit, aut alia gravis causa id suadeat. At absente, vel mortuo Superiore, nec nominato per eum Successore, difficilique ad Provinciale aditu, præesse debet Minister, etiam in Domibus Professis, quamvis ipse Professor non sit. *n* De auctoritate horum Vicariorum infra dicitur Cap. 5.

*n C. 8. D. 20.*

S E C T I O II.

*Quando incipiat, desinatque Superiorum localium Officium.*

1. **O**fficium verò, & auctoritas Superiorum localium ordinariè tunc inchoatur, cum fit authentica renunciatio ipsorum in Collegio, vel Domo, cui præficiuntur. At in casibus extraordinariis, cum res urget, & in loco sui Regiminis Su-

*Vnde initium Regiminis desumendum.*